

ITANGAZO – Amabwiriza avuguruye yo kwirinda COVID-19 mu rwego rw’ubukererugendo n’amahoteli ndetse n’inama, amakoraniro n’amamurikabikorwa

Hashingiwe ku byemezo by’Inama y’Abaminisitiri yo kuwa 1 Nzeri 2021 ku birebana n’amabwiriza yo kwirinda ikwirakwira ry’icyorezo cya COVID-19, Urwego Rushinzwe Iterambere mu Rwanda (RDB) ruributsa abantu bose ibi bikurikira, bizubahirizwa mu bigo by’ubukererugendo n’amahoteli ndetse n’iby’amakoraniro (Inama, amateraniro n’amamurikabikorwa) guhera ku itariki ya 2 kugeza kuya 22 Nzeri 2021:

1. Amakoraniro rusange, harimo ibitaramo, ibiterane, amateraniro n’amamurikabikorwa, bizagenda bisubukurwa hubahirizwa izi ngamba:
 - a. Abitabiriye bose (harimo n’abateguye amateraniro ndetse n’abayatangamo serivise) bagomba kugaragaza icyemezo cy’uko bakingiwe COVID-19 n’icy’uko bayipimishije hifashishijwe uburyo bwa PCR cyangwa ubwihuse mu gihe kitarenze amasaha 72 kandi bagasanga batayirwaye.
 - b. Amateraniro abera mu nzu z’imyidagaduro azajya yakira abatarenze 30% by’ubushobozi bwaho bwo kwakira abantu, naho abera hanze azajya yakira abatarenze 50% by’ubushobozi bwaho bwo kwakira abantu.
 - c. Abitabiriye bose bagomba kubahiriza intera ya metero nibura imwe kandi bakaba bambaye agapfukamunwa mu gihe cy’iteraniro
 - d. Abategura amateraniro (ibitaramo, ibiterane, n’amamurika) bagomba kuyasabira uburenganzira mu Kigo Gishinzwe Gutunganya Inama n’Amakoraniro (RCB) kuri info@rcb.rw hasigaye nibura iminsi 10 ngo abe.
2. Ibitaramo bikorwa na LIVE BAND cyangwa amatorero ya gakondo byemewe kubera gusa ahagenewe kubera amateraniro no mu bigo byakira abantu. Abataramyi bagomba kuba barikingiye COVID-19 kandi bafite icyemezo cy’uko bayipimishije mu gihe kitarenze amasaha 72 hifashishijwe uburyo bwa PCR cyangwa ubwihuse bagasanga batayirwaye. Bagomba kandi kubahiriza intera ya metero nibura imwe no kuba bambaye agapfukamunwa igihe cyose.
3. Inama ziba imbonankubone zizakomeza kwitabirwa n’abatarenze 30% by’ubushobozi bw’aho zibera bwo kwakira abantu. Abazitabira bagomba kugaragaza icyemezo cy’uko bipimishije COVID-19 mu gihe kitarenze amasaha 72 hifashishijwe uburyo bwa PCR cyangwa ubwihuse kandi bagasanga batayirwaye.

4. Hoteli, resitora na cafés zishobora guha service abakiliya batarenze 30% by'ubushobozi bwo kwakira abantu mu nzu cyangwa 50% by'ubushobozi bwo kubakira hanze. Abakiliya barashishikarizwa kwikingiza COVID-19 no kuyipimisha kenshi.
5. Abakerarugendo basura pariki z'Igihugu bagomba kugaragaza icyemezo cy'uko bipimishije COVID-19 mu gihe kitarenze amasaha 72 kandi batayirwaye. Ibipimo bifashwe hifashishijwe uburyo bwa PCR ni byo byemewe ku basura Pariki za Nyungwe, Gishwati-Mukura n'Ibirunga, cyakora muri Pariki y'Akagera uburyo bwihuse na bwo buremewe. Abana batarageza ku myaka itanu ntibasabwa icyemezo cy'uko bipimishije COVID-19 iyo baherekejwe n'ababyeyi cyangwa abishingizi bipimishije kandi bafite ibisubizo by'uko batayirwaye.
6. Hoteli, resitora, cafés n'ahandi hakira abantu barasabwa gupimisha abakozi babo COVID-19 buri minsi 14.
7. Abakerarugendo, baba ab'imbere mu gihugu cyangwa abaturuka hanze y'igihugu, bahawe ikaze mu bikorwa by'ubukerarugendo aho biri mu gihugu hose, bakaba bashishikarizwa ariko kutarenza amasaha yemewe yo guhagarika ingendo. Aho bizaba bigaragara ko bidakunda cyane cyane ku basura pariki z'Igihugu bazoroherezwa mu kubona impushya z'urugendo zitangwa na RDB kugirango uruzinduko rwabo rubanogere, hanubahirizwa amabwiriza ariho yo kwirinda icyorezo cya COVID-19.
8. Hoteli na Resitora zirashishikarizwa gukomeza gutanga icyumba cyakwifashishwa mu gupima COVID-19 abakiliya bazigana baba babikeneye. Ikigo cy'Igihugu Gishinzwe Ubuzima (RBC) kizakomeza gutanga amahugurwa akenewe.
9. Abakiliya bateganya gucumbika muri hoteli cyangwa ahandi habugenewe bagomba kwerekana icyemezo cy'uko bipimishije COVID-19 mu gihe kitarenze amasaha 72 kandi batayirwaye.
10. Gukoresha pisine na servise za massage biremewe mu bigo byakira abantu, ku bakiliya babicumbitsemu ndetse n'abatabicumbitsemu, ariko babanje kugaragaza icyemezo cy'uko bikingije COVID-19 n'icy'uko bayipimishije mu masaha atarenze 72 bagasanga batayirwaye.

RDB iributsa abantu bose ko bagomba kubahiriza amabwiriza y'isuku no kwirinda yatanzwe na Minisiteri y'Ubuzima hagamijwe kurwanya ikwirakwira ry'icyorezo cya COVID-19. Ku bindi bisobanuro cyangwa ubufasha mwakenera, mwahamagara itsinda ryakira abakerarugendo muri RDB kuri +250 784 135 830 cyangwa kuri email visitrwanda@rdb.rw.

Bikorewe i Kigali kuwa 3 Nzeri 2021

Mu izina ry'Umuyobozi Mukuru Clare Akamanzi,



Zephania Niyonkuru

**Digitally signed by
RDB(DEPUTY CEO)**